

# **Вақф фонди томонидан хайрия тадбири ўтказилди**



14:36 / 07.03.2023 1273

Жорий йилнинг 6-март куни Ўзбекистон мусулмонлари идораси мажлислар залида Вақф фонди томонидан диний таълим муассасаларининг ўқитувчи, техник-ходим ва талабалари ҳамда масжид имом-хатибларининг меҳнатларини муносиб рағбатлантириш мақсадида хайрия тадбири ўтказилди.









ARI UCHUN) KECHIRIM SO'RANG VA UALAR

MUSLIM.UZ





Тадбирда Дин ишлари бўйича қўмита раисининг биринчи ўринbosари Давронбек Мақсудов, ЎМИ раиси, муфтий Нуриддин домла Холиқназаров, ЎМИ раиси ўринbosари Жалолиддин домла Ҳамроқулов, Вақф фонди бошқаруви раҳбари Зиёвуддин Мирсадиков, ЎМИнинг вилоятлардаги вакиллари ҳамда фонднинг ҳудудий филиаллари ходимлари, олий ва ўрта махсус ислом таълим муасссаалари раҳбарлари, устозлари ва талабалари иштирок этди.

Тадбир давомида фонд томонидан муборак ой арафасида 52 нафар мударрис, 57 нафар ишчи-ходим ва 28 нафар талаба жами 137 нафар кишини қўллаб-қувватлаш мақсадида 701 миллион сўм ҳамда олис ҳудудлардаги кам даромадли 26 та масjid имом-хатибини қўллаб-қувватлаш учун 130 миллион сўм, жами 831 миллион сўм моддий рағбатлар ўз эгаларига тақдим этилганлиги ҳақида тақдирланганларга сертификатлар топширилди.

Шунингдек, диний соҳада кўп йиллар меҳнат қилган фахрийларга ҳам ҳурмат-эҳтиром кўрсатилиб, муносиб совғалар тақдим этилди.

*Вақф фонди Матбуот хизмати*